

太平天国印書

第十冊

建天京於金陵論
貶妖穴爲罪隸論
詔書蓋璽頒行論



旨准頒行詔書總目

天父皇上帝言題皇詔

太父下凡詔書 貳部

天命詔旨書

舊遺詔 聖書

新遺詔 聖書

天條書

太平詔書

太平禮制

太平軍目

太平條規

頒行詔書

頒行歷書

三字經

幼學詩

太平救世歌

建天京於金陵論

貶妖穴爲罪隸論

詔書蓋璽頒行論

天朝田畝制度

天理要論

旨准頒行共有貳拾壹部

天

地

人

和

平


PDG

建天京於金陵論

建天京於金陵論

太平天国癸好三年新鐫

建天京於金陵論



建天京於金陵論

何震川

蓋聞欲創非常之業必得非常之人欲立永久之基必得至當之地斯能歷久而不易亘古而常尊者也溯自

天父上帝自造有天地以來其間竊號流傳未嘗不代有其人而究之人非天命之人國非天命之國所以弑奪頻仍紛更不一以至於今惟我

天王親承

帝命永掌山河金田起義用肇方剛之旅金陵定鼎平成永固之基京曰天京一一悉准乎

天命國爲

天國在在悉簡乎

帝心迄今建都旣成天下大定

天王降詔咨於羣臣

詔於是爰爲之論曰穆穆皇皇我

王奄有四海撫綏萬方

恩覃普宇德徧要荒遐邇壹體率賓歸王宜乎永奠千百代無疆之福肇基億萬年有道之長

建天京於金陵論

吳容寬

金陵一大

天京之福所也我

天父上主皇上帝當初六日造成天地山海人物所造者雖不獨一金陵而金陵固於六合之大九州之廣爲甲乎天下者也爲福地于天下者也卽爲天下之少貳寡雙者也何言之金陵之城郭則堅且厚金陵之倉庫則實且充金陵之形勢則虎距而龍蟠金陵之風俗則溫文而淳厚於以知昔日

天父上主皇上帝之造金陵時也久已著意如此以爲金陵乃王氣所鍾誠足爲後日建

天京之所故我

天主既奉

天誅妖體

天立極上爲

上帝誅瞞天之妖下爲凡人脫魔鬼之纏卽建都於此名之曰

天京卽奉

天體

天之意也由是

天國大興胡虜盡滅金陵旣爲五方拱會之區金陵卽爲萬國來朝之地豈不幸哉豈不

幸哉

建天京於金陵論

鍾湘文

通都大邑無非名勝之區建極綏猷必擇建都之地金陵爲天下名邦由來久矣今

蒙

天父皇上帝恩差我

主下凡救衆安民掃妖除害自廣西至金陵一路滔滔勢如破竹金陵之至如此其易金

陵之得如此其速者非

天父

天兄欲使我

主建

天京於金陵乎築其城垣新其風俗將見羣臣共戴同欽

天國之威率土來朝共享天堂之福矣

建天京於金陵論

馬之漂

立國建都必擇其地里之廣延山河之峻險城郭之堅固人物之豐盈者而後定都焉始足爲千萬國來朝之朝億萬年不拔之基也金陵地連三楚勢挖長江地理不爲不延廣矣羣山屏圍長江襟帶山河不爲不峻險矣鍾阜旋繞如蟠石城屹立相距城郭不爲不堅固矣地則五方雜處市則百貨駢臻人物不爲不豐盈矣間乎陵城兵不浹旬堅壘已克非盡人力蓋實

天父

天兄作主也我

主駕至金陵度其形勢覽其山河相其城郭稽其人物默感

天父恩德

天兄權能覺天下輿圖之勝無過於此遂爲之建

天京於金陵焉蓋實足於萬斯年永奠厥基者也是爲論

建天京於金陵論

袁名傑

建都必先擇地而擇地尤必取廣大金陵爲天下一大都會雖地勢稍下而紫金山
高凌雲表城內各山亦不平衍此

天父預設所以待我

天王來登大寶也外此若河南爲天下之中四達之地土厚水深而要不若天京雄踞東
南足以壯

天威而成王業者也將見萬國來朝太平一統有傳之萬萬世而無既者矣

建天京於金陵論

葉春森

眞主必本於

天生而建都尤貴乎地勢故得地利者則昌自然之理也金陵爲王氣所鍾襟三江而帶五湖
包東吳而連北越得其人主之出可以戰處可以守今也

天生

眞主授以重地建永年不拔之基立萬世常新之業且帶甲百萬粟支拾年國家有事遣
大將征之西通川廣東望浙閩仁者無敵立見金甌永固矣國家無事名山大川生
滋浩繁共享

上帝眞福誠

天京之雄也

建天京於金陵論

宋溶生

金陵乃名勝之區王氣之鍾也倚鍾阜瞰長江接天闕枕後湖龍蟠虎踞楚尾吳頭
民物浩繁土林淵藪其美利有不可勝言者方今

眞天子赫然震怒掃蕩胡塵金陵

駐蹕爰建

天京斯固金陵湯池萬方之所悅服億衆之所嚮往者也乃知

皇上帝造地天地之時蓋以預儲此地以俟太平

眞主樹萬年不朽之基而建萬世無疆之業也夫

建天京於金陵論

張文英

夫以

神州雄峙之區本

上帝造成之界

天旣生眞主以乘乾自必扶

天王以定鼎豈胡妖所得而有哉溯自

天父顯神跡于西奈山金陵之地早爲王氣所鍾故特命我

天王恭行

天罰自金田起義駐蹕永安由是而長沙岳州武漢諸大郡望風而遁甲冑干戈勁旅奪龍蟠

之嶺長幼男女銳鋒撼虎踞之關此乃

天父神威

天兄能手理宜敬體

天心以壯

天朝氣象以肅

天國觀瞻名都控吳楚界中河菁京口王臣列朝陽門外彩煥石頭如雲之衆不日而成莫

非

天父

天兄權能

天王鴻福所致我

主億萬年永遠江山將大一統于斯地矣

建天京於金陵論

黃從善

嘗聞

天子有一統之勢圖大是需

王者有遠御之權宅中爲善遐想

天父皇上帝當初六日造成天地山海人物舉凡九州之大四海之遙皆賴

皇上帝造成焉今考金陵古名福地倚山爲城以江爲池故秋渚龍潭萬丈之菁流環繞桃崗

桂嶺千重之峭壁嶙峋此其形勢之大觀合爲京師之盛地茲幸

天王奉

天行罰伐暴救民奠定

天京以建首善之要區以建萬年之基業將

九重始就盡沾

天父莫大之恩萬國來朝共享

上帝無窮之福也

建天京於金陵論

徐雨叔

蓋聞王者建都必先觀地之形勢地非居天下之中不可建都非有崇隆之勢不可
建都非有富厚之形尤不可建都也至於金陵地居都會據東南之美爲名勝之區

地勢彌崇民情益厚中多山阜外有江河此

天父皇上帝所造成而爲我

天王建都之地也今者創萬年之業來萬國之朝自當因金陵爲

天京建

王都於鍾阜將見爾熾爾昌共仰

天朝之赫濯來王來享羣覲

天國之森嚴不已見太平一統世世靡旣哉

建天京於金陵論

林一環

天堂之上

帝廷之中

天父皇宰

天兄乘榮珍寶作闕黃金爲宮種種靈異悉數難終我

主上請願住

蒼穹

天父曰無不必希蹤金陵之美

天堂路通山川田土宮室垣墉財貨所聚戶口常充况地脉王氣所鍾天塹之險

天府之雄建主

天京萬國來同世世一統享福無窮

建天京於金陵論

姜大成

誅暴救民端屬

天心之寄托建都立國共欽

上帝之威嚴體

天父之權能

眞主出而妖魔盡滅蒙

天兄之眷佑京都作而邪慝胥除天下定於一尊基宇宏開萬國切來朝之想普天莫非

帝造方城永固億姓妄趨作之勞大寶既登民念悉皆嚮善金甌丕奠羣情莫不輸誠統四海

皆爲兄弟居

天宇者宜盡

天事之勤中天下而立邦畿奉

天命者更切

天工之亮經之營之建

天京於金陵城池固而人心鍊正美矣備矣立

天都於鍾阜制度成而國運綿長所以播

天國之聲靈億載長宏氣象凜

天威於咫尺萬邦無不來王者也

建天京於金陵論

羅長春

金陵爲王氣所鍾地居都會天國建太平之業永奠邦家故覽乎形勢大江界其外
名山鎮其中而辨厥土風物產多精英人民多淳樸此

天父之所開